

ter posteriores Philosophos maximè perspicuus & eruditus, quem ante plures annos magna cum laude, publico priuatoque cum fructu, Patauij docentem audiuimus: nos tamen priore exemplo contenti, dicimus, decem gradus aquæ, in duos ignis, sic agere, ut hi pereant funditus, illi perdurent incolumes. Quanquam enim repugnet ignis, & aquæ vim eludere conetur, succumbit tamen, & in aquam commutatur, vt aër in terram, vt è binorum duntaxat aquæ & terræ coitu mixtum corpus exoriatur. Hoc tamen aliquis ceu imperfectè mixtum calumniabitur, & hinc submouendum esse clamitabit. Sed perperam. Quantumuis enim mixtum sit quàm cætera simplicius, non tamen minùs esse perfectum potest, quàm id, quod plurium concursu magis compositum prodijt in solem. Ut hinctandem eluceat, quàm certa sit ea Philosophorum ratio, qua sibi persuadent, datis in mixto duobus contrarijs, etiam reliqua ex contrarietatis lege, quà fiat per alterius admixtionem alterius remissio, constituenda esse. Ergo

N 5 qui